


لای لای

چالديم ياتينجا

رقيه عليقلیان
(لاله)



لاى لای

چالديم ياتينجا

رقیه علیقلیان (لاله)

سرشناسه	: علیقلیان، رقیه،
عنوان و نام پدیدآور	: لای لای چالدیم یاتینجا/رقیه علیقلیان (لاله)
مشخصات نشر	: تبریز: اختر، ۱۳۸۹.
مشخصات ظاهری	: ۸۸ ص.
شابک	: ۹۷۸-۹۶۴-۵۱۷-۲۹۸-۳
وضعیت فهرست نویسی	: فیپا
یادداشت	: ترکی
موضوع	: شعر ترکی-ایران
رده بندی کنگره	: ۱۳۸۹ ل ۸۶۴ع ۸۱۶ا
شماره کتابشناسی ملی	: ۲۰۹۵۹۱۶



نشر اختر

لای لای چالدیم یاتینجا

رقیه علیقلیان (لاله)

ویراستار: ملیحه عزیز پور / طرح جلد: زهره مظلومی

ناشر: نشر اختر با همکاری انتشارات آناس

تیراژ: ۱۰۰۰ جلد / چاپ دوم ۱۳۹۰ / ۸۸ صفحه / قطع رقعی

شابک: ۹۷۸-۹۶۴-۵۱۷-۲۹۸-۳

مرکز فروش: تبریز-اول خیابان طالقانی، جنب داروخانه رازی، نشر اختر

تلفن: ۰۹۱۴۱۱۶۶۸۹۷ و ۰۴۱۱-۵۵۵۵۳۹۳

قیمت: ۲۰۰۰ تومان

کنج لرين نغمه سی

آناهين جزين سی

سلسله نیر قولاغمدا

دایم آنا لایلاسی

دولانیدیر قانیدا

نیر یایلب دیر جانیدا

خیالیدا - آئیدا

کولوم آنا لایلاسی

ناغیللارین سونوغدا

قیزیل آلمانا دوغوغدا

یاشله مشین بو یوغدا

حکیم آنا لایلاسی

آنا لار مندن آلسین

لای لای سی اوجا لیسین

کوره یادیندا قالسین

دیلم آنا لایلاسی.

بِسْمِ اللَّهِ الرَّحْمَنِ الرَّحِيمِ

اۇن سۆز

"من بو اثرى يارادديم كى لاي لاي لاريمى آنالار غيرت انديب اۇز مهربان و اوريه ياتيم سس لريله زمزمه اتسينلر"

چوخ فيكىرلشديم گۆردوم كى آذربايجان توركجهسى تاريخ بويو بوتون مبارزه لرده قاليب گلر ك ايندى ده جانلى ادبيات كيمي ياشاماق دادير. چوخ بۇيوك داهى لر آذربايجان ادبياتىنى ادبيات دونياسينين زيروه لرينه قالديرميش و اونو زنگين لشديرميشديلر نئجه كى بيليريك ادبيات خالق منافعى نه خدمت اندير اونلار اوچون الهام منبعى اولور. اونلارين فكرلرينى، دوغولارينى، ايراده سيني، آرزى لارينى، آمال لارينى، ايستك لريني ايفاده اندير. اونون زنگين لشمه سينه شرايط يارادير ديل خالقين طالعى اونون معنوياتينين، مدنيتينين، يادداشينين، ويجدانينين، منليگينين، وارليغينين و حاياتينين جانلى نيشانه سيدير بللى دير كى ديل خالقين قانى و جاني دير هابثله ديل تربيه، انسيت، عشق و محبت واسطه سيدير تاسف لر اولسون كى

بئله بیر زنگین معنوی وارلیغا صاحب اولان خالقین بعضی اولادلاری اؤز ادبیاتینی و دیلینی ییلمیر و بیلمه دینه گۆره اونا بیگانه لیگی آرادان آپارماق تکجه آنا واسطه سیله امکان پذیر دیر کی چون اوشاغا آنا دیل اویره دیر و اؤز دیلینده باشاردیغین بالاسینا دا دئیر بیزیم ادبیاتیمیز دا کۆرپه لر اوچون بسله مه لیر بئله دئمک اولار کی کۆرپه نی یئدیردیر کن، اوینادارکن و یاتیردارکن ایفا اولونور من هامیسینی باشاردیغیم قدر بو کتابا توپلامیشام میثال اوچون بیر بسله مه:

بئشیکشن دیزیم اوسته
قدم قوی گۆزوم اوسته
سنه جان قوربان دئدیم
دورموشام سۆزوم اوسته

ویا بیر مثال اوچون نازلما:

گنجه اوزون آی باتماز
اولدوزا قاش گۆز آتماز
بالام کیمی مرد اوغول
تانری بیرده یاراتماز

ولای لای لاردا کۆرپه نی دبرده دبرده یاواش یاواش دئییلیر بیر مثال:

لای لای فره کهلیم
دالینجا ایمک لیم
تانریدان بیر پای آلدیم
باشا چاتدی تکلیم

بورادا حؤرمتلی قوجامان آنالارمیزدان ان بؤیوک آرزیم بودور کی منیم
بو کیچیک ادبیات ساحه سینده یازدیغیم سؤزلر خوشلارینا گلیب و بینمیش
اولالار عزیز آنالاریمیزا و کؤرپه لرینه الله درگاهیندان بارلی اوزون عؤمور
دیله ییب و بؤیوک نائلت لر آرزیلاییرام.

آنام چالان لای لالار
ایندیده دیلیمده دیر
یوخودا کی اللریم
آنامین تئلینده دیر

رقیه علیقلیان (لاله)

لاى لاي لار (الف)

لاى لاي چالدىم ياتانا
ياتىب تره باتانا
بالا دئيب جان وئرر
مهرىبان آتا- آنا

@

لاى لاي قول- بوداغىما
لاى لاي ائل داياغىما
اليمين عساسينا
يورولماز آياغىما

@

لاى لاي گؤيلوم قوشونا
باخارام دوروشونا
كؤنلوم سازى ديللندى
گلدى بالام خوشونا

@

پولاد بىلىك بالاما
ائىلى كؤرك بالاما
الله نظر ديمه سين
منيم زيرك بالاما

لای لای قیزلار خانینا
تبریزین جئیرانینا
گولوشو جانیم آلدی
جانیم قوربان جانینا

@

لای لای اوجا بالاما
دیشی قوجا بالاما
دوشمن لر باتیشانماز
منیم شوچا بالاما

@

بالام گئدیب خیالا
یاشاییشان بار آلا
باهارلاری سوندوروب
پاییزلاردان نار آلا

@

لای لای دئدیم بویونجا
باش یاستیغا قویونجا
یئکل خالقها حامی دور
شنلیک قازان دویونجا

لاى لاي عۆمور بارىما
لاى لاي اومود داغىما
اودموشام قم كدرين
يئتيشه سن دادىما

@

لاى لاي چالديم ياتينجا
باش ياستىغا آتينجا
جوان عۆمروم چورودو
سن حاصيلا چاتينجا

@

لاى لاي گۆزل قوزوما
ايشىقلى اولدوزوما
حورى - پرى چاتانماز
منيم جئيران قيزىما

@

لاى لاي دوداغى قونچا
گۆزل ياناغى قونچا
اليمده علاج اولسا
لعل قالارام بويونجا

لای لای گیزلین باخانا
اوره ییمی یاخانا
نہ اؤتورور، نہ یاتیر
بیر گول اولوب یاخاما

@

لای لای چالیدم دویونجا
اؤزون گئجه بویونجا
چکدیم درین اینتظار
باش یاستیغا قویونجا

@

لای لای شیطان بالاما
گؤزو جئیران بالاما
بوویو-بوخونو گؤزل
اٹلر حئیران بالاما

@

لای لای چالیدیم اویانا
گؤز اؤنونده دایانا
اویانا گئدن اولسا
دئین گل سین بو یانا

حئيراندى آي، بالاما
داشلانان چاي، بالاما
دونيانى آختارسالار
تاپيلماس تاي، بالاما

@

گئتدى گۇيلوم بولانا
گۇزوم دولوب سولانا
ائله لاي لاي چالارام
تئز قايتىسين بولانا

@

لاي لاي چاللام مين ياشا
مين ياشا، مين مين ياشا
عۇمور اولاي بير گۇرم
آداخلىن ايله قوشا

@

لاي لاي گنجيه قوشونا
باخارام دوروشونا
بالاما پيس باخانين
عجل گلسين توشونا

گونش داغدان آشاندا
گئجه یاخینلاشاندا
بالامالای لای چالدریم
سولار پیچیلداشاندا

@

بالام یاتدی اوتاقددا
گولوشو وار دوداقددا
بیر عؤمور اوزون گولسون
قال بو دیلده- داماقدا

@

دان اولدوزو چیخاندا
گئجه باغرین سیخاندا
ناساز بالام یاتمادی
گؤز یاشلاریم آخاندا

@

لای لای چالدریم دویونجا
اوزون گئجه بویونجا
چکدیم درین اینتیظار
سن بیر اییید اولونجا

گۆزومده دولاناندا
اوره ییمده قالاندا
دونیانکی دبردردیم
سنه لای لای چالاندا

😊

آه چکرم آهیمجا
الله یادا سالینجا
بارسیز- بهره سیز اولدوم
لای لای چالیدیم بالینجا

😊

بیر قوش داغین باشیندا
قونوب قالدی داشیندا
سنه جان قوربان دئدیم
پشکش اولدو باشیمدا

😊

قوچاق بالام بیر دانا
گلیب گیردی مسئیدانا
بالام کیمی مرد اوغول
ایفتیخاردی ایرانا

داغدان آخان قار اولسا
آغاجلاردا بار اولسا
من بالاما وار اوللام
بالام منله وار اولسا

@

بالا عشقی باشیمدا
دویون قویماز قاشیمدا
گۆزلری اۆز گۆزومده
قاشلاری قارداشیمدا

@

جان بالا، جانیم بالا
قادانی آلیم بالا
بیر گون سنی گۆرمه سم
گلمز قراریم بالا

@

لای لای دادار دوراننا
باغریمی اوییدورانا
هامیلاری آلدادیب
اۆزوننه ووردوراننا

بالام گول تىك بوداقدى
چىچىكلە نىيىب اوتاقدى
بىر غۇمور اوزون گولسون
قالاسان بو داماقدى

@

لاى لاي ياشىل باش سونا
گىيىنىپ ياشىل دونى
اورە يىمىدە ساخالارام
قويمارام نىظر قونى

@

لاى لاي دىدىم آغلاما
اورە يىمى داغلاما
زامان اۆزگە زاماندى
هئىچ كىسە بىلل باغلاما

@

قولوم، بالام قولوندا
دولاننام ساغ سولوندا
من بالامدان دويمارام
جان قويموشام يولوندا

باشینی قوی بالینجا
گؤزون یوخو آلینجا
اوره ییم یانیندادی
گؤز لیریم ده دالینجا

@

اودون قویدوم اوجاغا
قالامیشام بوجاغا
قادان گل سین جانیم
چارا یوخ اولاجاغا

@

دور ائینالی داغیندا
ارکین ده دایاغیندا
ستارخانین یاراغی
الینده - آیاغیندا

@

لای لای باغلار باغینا
لای لای می شوو داغینا
دونیانین گوزل لری
چاتانماز دیرناغینا

چن گلر داغا يازدا
دۋشه نر باغا يازدا
بالامى قىزىشدىر رام
ياغىشلىقدا - آيازدا

☺

قوشوم گلير دريادا
يئتيشه جك فريادا
منيم بالام بيلندى
سيررين آچماز هر يادا

☺

سونا بولبول اوچاندا
گول اوستوندن قاچاندا
اوره ييم ايشيقلانار
بالام گۈزون آچاندا

☺

يات يئنه اوتاغيندا
كپنك ياتاغيندا
بالامين عطرى واردى
گوللرين ياپراغيندا

سسسىم گلىر اويانا
دنىز اوسته دايانا
ائله لای لای چالارام
ياتمىشلاردا اويانا

@

لای لای بئچه بالاما
آغزى قونچه بالاما
قوشلار يوخوسون وئريب
منىم سئرچه بالاما

@

لای لای گولوش غونچاما
لای لای جئھىز خونچاما
عۇمرومون باغچاسىندا
تورشاشىرىن آلچاما

@

لای لای چاللام آدىنا
شىرىن آغزىم دادىنا
گۇر نه منى آلدادىب
سۇزونه، هر زادىنا

لای لای زیرک بالاما
پولاد بیلک بالاما
باغا گیرسه دیلر
قونچه چیچک بالاما

@

لای لای اوجا بویونا
ائلر گلر تویونا
قادان بلان گلیدی
قوزولارا- قویونا

@

لای لای چاللام یاتینجا
باش یاستیغا آتینجا
اولدوزلاری ساییارام
سن یوخونو تاپینجا

@

لای لای آی پارچاسینا
عشقیمین قونچاسینا
محبتی قونوب دور
قلیمین تاخچاسینا

لای لای نوبار هولوما
شکرایله، دولوما
اوشاقلارین ایچینده
تکجه قارین قولوما

😊

لای لای اویونجاق قیزا
قوینومدا قولچاق قیزا
سئوینج دن اویناییر
بیر چپیک چالجاق قیزا

😊

لای لای گؤزون یومانا
منی سالیب گومانا
ترپنیرم دیسکینیر
هارای سالیب آمانا

😊

لای لای چیچک کولونا
بیر دون بیچدیم بویونا
بیرجه قیسمت اولایدی
ائل گلئیدی تویونا

لاى لاي قوچاق بالاما
بیر فال آچاق بالاما
گلجه یین شنلییی
چاتار هاچان بالاما

☺

لاى لاي چالديم اولدوزا
اللى مرمـر قـیـزا
شاخـتا ووروب دونـدوروب
بنزه ییر، بیر سال بوزا

☺

لاى لاي ادبلى قیـزا
گـؤزو بنـزر اولـدوزا
تئـلینـده ایـکی سانـجاق
بنـزیر الله، بوینـدوزا!!

☺

لاى لاي عشقین کانینا
داغلارین جئیرانینا
قادان- بالان گلئیدی
یوردومون دوشمانینا



(ب)

لاى لايىمما آى دوروب
آى بالاماتاي دوروب
الله وئرن ايسته ييم
سئومه لى بير پاي دوروب

@

قارا تئللى قيز گليب
هر اعضاسى دوز گليب
گله جه يين قادىنى
آغزىندا مين سؤز گليب

@

ئويميزه خالا گليب
قيزيلدان قالا گليب
منيم وارييم دؤولتيم
بير گؤزل بالا گليب

@

سحر مندن تئز دوروب
ياخاسينا گول ووروب
شيرين-شيرين دانيشيب
اوره ييىمى اويى دوروب

سینه م اوسته قوش گلیب
گۈزل قارانسقوش گلیب
ایلر آرزی تامارزیم
الله بیزه خوش گلیب

@

قاپیمی دۈیهن گلیب
سئومه لی سئون گلیب
سون گونومون کۈمه یی
ساجیمی هۈرن گلیب

@

لای لای داغلار قار آلیب
داغلار قار آلتدا قالیب
آنان رنگینه قوربان
ندن رنگین سارالیب

@

بیزه قارا تئل گلیب
الرینده گول گلیب
قیل و قالی آپاران
بیрге شیرین دیل گلیب

لای لای بالام مرد اولوب
اوره ییمه بند اولوب
سالیب عشقین اودونا
باغریما کمند اولوب

😊

سَسمی آلیب یاتیب
عشقینه سالیب یاتیب
دولانیب دیر قانیمدا
یئرینی سالیب، یاتیب

😊

بالام اوزاقدان گلیب
حاق وئریب حاقدان گلیب
دوققوز آیین یورغونو
دوشوب آیاقدان گلیب

😊

عشقین باغیندا گلیب
اذان چاغیندا گلیب
هم خئیر- هم برکت
آیاقلاریندا گلیب

(ت)

گل قولومون اوسته یات
چوخ اولوبسان خسته یات
فیندیق کیمی فیرلادین
بسدی، بویو بسته یات

@

لای لای چالیدیم گونده یات
اولدوزو گؤرونجه یات
قولوم - قیچیم یورولدو
آی دوداغی اینجه یات

@

گل سینه مه دایان یات
گؤزونو یوم اویان یات
سنسن عشقیم - هوسیم
منی مجنون قیلان یات

@

گل یئنه اوتاقدایات
قوزو تک یاتاقدا یات
اوره ییمین سئوگی سی
گل یئنه قوجاقدایات

الریمدن یاپیش یات
قارا تئلی چپیش یات
آی یاتیب اولدوز یاتیب
آی گۆز لری شئیش یات

@

باغلادیم کورکده یات
عشق اودون اورکده، یات
نه قیچیمدا طاقت وار
نه زوروم بیلکده، یات!

@

سینه م اوسته یاخشی یات
یاخشی یوخلا- یاخشی یات
باغیریم سنه ساز چالسین
یاتدیغین یئر، خوشدو یات

@

آی عیشوه- نازساتان یات
منه قاش گۆز آتان، یات
بالدان- ناباتدان شیرین
اوریمه یاتان یات

قوش کیمی گول اوسته یات
آی دوداغی پوسته یات
سن مندن جان ایسته دین
دئدیم گؤزوم اوسته یات

❁

سنه چیچک دریم یات
تئلرینه سریم یات
سسله داغلار دالیندان
من سسینه گلیم یات

❁

دیزیم اوسته قوشوم یات
آی باخیشی خوشوم یات
سن گلدین قارات اولدو
منیم عاغلیم- هوشوم یات

❁

لای لایین اوخودوم یات
کؤینه یین توخودوم یات
بالدان- ناباتدان شیرین
آی سوتول نوخودوم یات

(ر)

بالام گئدر ایز قالار
دالینجا چوخ گؤز قالار
دونیا لاری گزسه ده
یادیندا تبریز قالار

😊

بالام داغلاردان آشار
اوو تک، داغا دیرماشار
قودرتینه چاتان یوخ
قهرمانلیق یاراشار

😊

الریینده وار هاچار
هاچارین موشکول آچار
ائلینله ال بیر اولسان
قالمازسان هئچ واخت، ناچار

😊

لای لای چالسام های گئدر
گؤز لریمدن چای گئدر
قوچاقلار، سان وئرنده
کیم بالاما تای گئدر؟

لای لای بورد دایانار
شویر نورد دایانار
یادلار یاتار لای لایا
بیزیم ائلرلر اویانار

@

یئل اسر، گلر- گئدر
باغیریمی دئر، گئدر
بالام بئواختا قالسا
باغیریمدان، نه لر گئدر

@

داغ دؤشونده قالدی قار
داغلارا یورقاندی قار
قاردان اینجه بالامی
ساخلاسین پروردیگار

@

لای لای سَسیم اوجالار
حاق نفسیم اوجالار
منیم بالام قوچاقدی
دوشمنلردن باج آلار

قیز لای لایین شیرین دیر
اؤز لای لایین شیرین دیر
قوجاغیم دا یاتان دا
هر بیر حالین، شیرین دیر

@

لای لایین دبی وار دیر
قایدا سی دبی وار دیر
یوردومدا سایا گلمز
کوراوغلو- نبی وار دیر

@

دونون گئیر گوئی چینار
قار آلهر دینار- دینار
آنا، بالایولوندا
جاندا کئچسه، کیم قینار؟

@

لای لاییمی گون قانار
آی نورلانا گون قانار
منیم دوشونن بالام
بیر کلمه دن مین قانار

لای لای بـورددا دایانار
شویر نـورددا دایانار
یادلار یاتار لای لایا
بیزیم ائللر اویانار

@

سن گئتسن یئرین قالار
توته یین- نئیین قالار
بالاسی ایتن آنا
بوش یاستیغی بیرقالار

@

سن گئتسن، دولو گۆزلر
یاش تۆکر دولو گۆزلر
آنا، بالا یولوندا
دایانار یولو گۆزلر

@

گۆزلریم یانار آغلار
اورهیم قانار آغلار
قانا دولموش گۆزلریم
گونلری سانار- آغلار

سو جوشار چشمه گئدر
دورولار، ائشمه گئدر
بالام باغریمدا گزر
گؤزومدن چشمه گئدر

😊

لای لای سورولو داغلار
لای لای چیچکلی باغلار
لای لایما اویانین
آی قارالار، آی آغلار

😊

گئجه گلریئر سالار
گونشین جانین آلار
بالام قوربت ده قالدی
اوناکیم لای لای چالار؟

😊

بو باغلار دولو باغلار
کسیب لر یولو باغلار
بالام یادیمما دوشسه
گؤزلریم دولوب- آغلار

داغلاردان آخدی قارلار
قاردان بوشالدى داغلار
چوبان داغا گلنده
بالام قوزو تک اوینار

❀

آی باتار پئشمان گئدر
گون اونا دوشمان گئدر
بالام مئیدانا گیرسه
قوچ اییدلر، سان گئدر

❀

قوشوم گلر باغیرار
شوقا گلر چیغیرار
جانیم دؤشک یورغونو
دیلم بالا چاغیرار

❀

سو گلر باشا دولار
قاینایار داشا دولار
مینم بالام بوی چکیب
بؤیوب یاشا دولار

دومان گلر داغ آلا
گول - چیچک لی باغ آلا
بالام الیمدن توتسا
یارالاریم ساغالار


😊

آرا کسن دوواردیر
دووارین باشی قاردیر
بالام هله اوشاقدیر
چوخ خیردا یاشی واردیر

😊

یاز گلر نفس گلر
قوشلار اوچار سس گلر
بالام گولوب دانیشار
باغریما هوس گلر

😊



(ز)

بالام حارام گۆتورمز
مـحبـتی ایتیرمز
هامـیـیا مهربانـدی
خالقا صدمه یئتیرمز

☺

گون دولانار آی باتماز
دوشونن فاخیر ساتماز
حلال سود امن اوغول
ذاتی سودونو آتماز

☺

داغلارین داشی دورماز
قووزانار داشی دورماز
بالام ناساز اولاندا
گۆزومون یاشی دورماز

☺

گئجه اوزون آی باتماز
اولدوزا قاش گۆز آتماز
بالام کیمی مرد اوغول
تانری بیرده یاراتماز

قار ياغار كسر قالماز
ار يير اثر قالماز
منيم اويلاق بالاما
لاى لاي دا كسر سالماز

@

بالام گئدر، گؤرونمز
دولانار اوزون بـيـلمز
منسيز تۇكر گؤز ياشى
هر گلن گؤزون سيلمز

@

لاى لاي چالديم دمـيـم آـز
قميم چوخدور دمـيـم آـز
سن گولوب شاد اولاندا
اولار مـنـيـم قـمـيـم آـز

@

ياغيش ياغار قار اولماز
گؤز ياشيندان وار اولماز
من يوخسول، بالام حسرت
بـيـر بـئـلـه، آخ واي اولماز

اٹل ایزینده دولان گز
اٹل گؤزونده دولان گز
سن گزسن چیچکله نر
گولشنلرده، سولان گز

@

سنسیز باغدا گول اولماز
چیچک اولماز، گول اولماز
گولشنلره چور گلر
گول اولماز، بولبول اولماز

@

لای لای چالسام قوش گلمز
لای لای، قوشا خوش گلمز
بالام سنئور لای لایی
هئچ گؤزونه، هوش گلمز

@

داغ اوسته قاریم قالماز
باغ اوسته باریم قالماز
سن یولدان گئج گلنده
تابیم - توانیم قالماز

سنسیز دایاغیم اولماز
قولوم- آیاغیم اولماز
روحوماقم اله نر
دیلیم- داماغیم اولماز

@



(ل)

آی دوداغی قیزیل گول
قیزیل دانیش- قیزیل گول
قوجاغیم سنی سسلیر
گل سینہ مه دوزول، گول

@

لای لای چالیدیم گول گؤزل
دانیش گؤزل- گول گؤزل
بیرده دونیا یئتیرمز
بئله شیرین دیل، گؤزل

@

لای لای چالیدیم سنده گول
سندہ دانیش، سندہ گول
آپاریبسان کؤنلومو
اوره ییم سیننده، گول

@

اوغول گئتمه، بیزده قال
بالیق تک، دیزده قال
آی ائلرہ یاراشیق
یوردوندا- تبریزده قال

لای لای چالیدیم بالا گول
بالا چیچک، بالا گول
اینجه الین قوربانلی
قول بویونوما دولا، گول

@

گؤیرچین لراوچدو گل
اوچوب باغا دوشدو گل
سندن آییری گونلریم
آه- قم ایله کئچدی گل

@

لای لای چالیدیم قوشوم گل
آی دماغی خوشوم گل
تورشا- شیرین آلچامسان
یئمه لی مئی خوشوم گل

@

الریمدن یاپیشین گل
آی قیرمیزی پایش گل
سنده ائلین اوغلو سان
ئللریمه قاتیش گل

گئجه نى يول سالان گل
ياد اولكه ده قالان گل
سنسيز جانيم چورودو
عشقيم اولدو يالان گل

😊

لاى لاي دئديم قوزوم گل
قارا تئلى قيزيم گل
آنالم، باجيم، همدميم
اورك ده وار سؤزوم، گل

😊

باهاريم گل، يازيم گل
اؤرده ييم گل، قازيم گل
آي روحومون ايسته يي
منيم عيشوه - نازيم گل

😊

لاى لاي گوللو باغيم گل
قولوم گل - بوتاغيم گل
منيم تك يالقيز قاليب
ائويم گل - اوتاغيم گل

قانادىم يوخ اوچوم، گل
قيچىم يوخدو قاجىم گل
منى آتیب گئىندن
آغارىب دى ساجىم، گل

☺

گۆز اؤنۇندە قالان گل
قول بوينوما سالان گل
سندن اۆتۈرى هلاكدى
او مەھرىبان خالان، گل

☺

گىت، گز- دولان ھردن گل
ھردن يئتیش، ھردن گل
گۆزلىرىم يول چكىندە
سن قايسىدان بىردن گل

☺

لاى لاي چالدىم گولوم گل
شىدام گل، بولبولوم گل
گۆنىدردىم اوزاق يولا
لال اولايىدى دىلىم گل

لای لای چالیدیم بیرده گل
بیرده دولان بیرده گل
سن گئندنه قیشیدی
باهار گلیب گولده گل

☺

لای لاییمی ائشیت گل
اوجا بویلو رشید گل
سنة بایاتی یازدیم
نئچه - نئچه چئشیت گل

☺



(م)

ياتمارام اويلاق اوللام
جوشارام بولاق اوللام
نه قدر كى جانيم وار
سنة گؤز - قولاق اوللام

@

لاى لاي قولوم - قاناديم
لاى لاي شؤهرتيم - آديم
سن منه قول - قاناد اول
منده هونر ياراديم

@

لاى لاي عشقيم ووقاريم
لاى لاي باريم نوباريم
بو بئش گونلوک دونيادا
داياغيم - اعتباريم

@

من بالامى آتمارام
اونو يادا ساتمارام
بیر گون اوزون گؤرمه سم
گئجه - گوندوز ياتمارام

لای لای اوخوم - کمندیم
ساوالانیم - سهندییم
سن ناساز، من چاراسیز
اودور کی، درده گلدیم

😊

لای لای سینه قیز آلام
هر اعضاسی دوز آلام
گؤزل قیزلار ایچینه
سینه آلا گؤز آلام

😊

گئجه چیراق یانديررام
چیراغی دولانديررام
سینه نورون سالماسا
ساللام یئرہ سینديررام

😊

سینه ماهنی اوخورام
ایپکدن شال توخورام
شنلیکدن جوشا گلمایش
گونش کیمی شاخیرام

گئتمه سنسيز قالمارام
قالمارام دايانمارام
سنسن اليم عصاسى
من سنسيز دولانمارام

😊

لاى لاي عشقيم حياتيم
لاى لاي قولوم قانادىم
بىر كره گول اوزومه
قىمى - قوصه نى آتيم

😊

آغاج اوسته قوش اوللام
قوشلارايله توش اوللام
گۆزلىرىم سنى گۆرسه
اوخويارام، خوش اوللام

😊

لاى لاي دئيب ياتارام
عشقى قانا قاتارام
گۆرسم، گلينلىيىنى
من آرزىما چاتارام

سَنه لای لای چالارام
من قئیدینه قالارام
یوردوما دایاق اولسان
اؤزوم، قــــادان آلارام

@

لای لای بوستانیم - باغیم
لای لای قولوم - بوداغیم
سن تۆکنده گۆز یاشی
قاچماز منیم دوداغیم

@

لای لای آرزی - تامارزیم
کۆنلومه آدین یازیم
عؤمروم - عشقیم - حیاتیم
سنسیز حیات نه لازیم

@

اوغول قئیدینه قالدیم
عشقیم سَنه سالدیم
پروانه تک آلیشدیم
سنین قادانی آلدیم

لاى لاي چيچكلى باغيم
لاى لاي قولوم بوداغيم
ياندیر حیات چیراغين
يانار ساخلا اوجاغيم

😊

لاى لاي وفالى بالام
هر بير زاد آلى بالام
ايشى برکه دوشنده
يادين سالى بالام

😊

لاى لايين چالان منم
قئيدينه قالان منم
بیردانا روشوه سیز دوست
قاداتنى آلان منم

😊

الينده قلم اوغلوم
ايسترم گلم اوغلوم
دؤشه نم يوللاريندا
جان وئريب اولم اوغلوم

بالامایار اولایدیم
اونای غمخوار اولایدیم
آرزیم بودور سنینه
همیشه وار اولایدیم

@

کیشی تک یاشا، اوغلوم
یالقیز یوخ، قوشا اوغلوم
ائل یانیندا فخر ایله
عؤمور وئر باشا، اوغلوم

@

لای لایا آه قاتارام
سنسیز نئجه یاتارام
سن بیر بخته ور اولسان
من آرزیم چاتارام

@

سنسن منیم لعل بالام
اوزاقلاردان گل بالام
سینه مدن هیجران اوخون
گولوشونله در بالام

لای لای شیدا بولبولوم
لای لای دانیشان دلیم
سن ناساز، من قهرلی
کیمینله دئییم - گولوم؟

@

گون باتدی، چیخدی آییم
قیشا چئوریلدی، یاییم
سندن آیری گونلری
اوغول، من نجه ساییم؟

@

لای لای گولوستان باغیم
لای لای قولوم بوداغیم
الله سنی ساخلا سین
یانار قال سین، اوجاغیم

@

لای لای هنرور بالام
اثللره سرور بالام
من سنی توحفه وئردیم
خالقیما یاور بالام



لای لای عۆمور یولداشیم
لای لای قوهوم - قارداشیم
بؤیو بیر، توت الیم دن
داغلار باشیندان آشیم

@

لای لای فره کهلییم
دالینجا ایمکلییم
تانریدان بیر پای آلدیم
باشا چاتدی تک لیم

@

تانریدان پای آلمیشام
من اونا یالوارمیشام
جاوانلیغیم بویونجا
بیر بالا قازانمیشام

@

لای لای چیچکدن گؤزل
تئلی ایپکدن گؤزل
یاواش گولوب دانیشمیر
گولورو برکدن گؤزل

لاى لاي بوستانىم باغىم
لاى لاي قولوم بوداغىم
سن توكنده گۇز ياشى
قاچماز منىم دوداغىم

@

لاى لاي چىچكلى باغىم
لاى لاي قولوم، بوداغىم
ياندىر حيات چىراغىن
يانار ساخلا اوجاغىم

@

لاى لاي گۇزوم، به به يىم
لاى لاي آرزىم، ديله يىم
دار گونده، دار زاماندا
سنسن منىم كۇمه يىم

@

لاى لاي شۇهرتىم - آدىم
لاى لاي قولوم - قانادىم
مندن آيرى دولانما
سنسن منىم هر زادىم

لای لای سَنه یاریدیم
هر ایشینده واریدیم
آه چکدیم ، جفا چکدیم
عؤمروم کئچدی، قاریدیم

@

لای لای سَنه چالارام
من قئیدینه قالارام
یوردوما دایاق اولسان
اوزوم قــــــادان آلارام

@

بالامایار اولایدیم
اوننا غمخوار اولایدیم
آرزیم بودور سنین له
همیشه وار اولایدیم

@

لای لای ایلـه یاتارام
عشقی قانا قاتارام
گؤرسـم گلینلییینی
من آرزوما چاتارام

لاى لاي داي اغيم منيم
سؤنمز چير اغيم منيم
دوشمانلارى بيچمه يه
كسگين اور اغيم منيم

@



(ن)

تئللرين ييغين - ييغين
گؤزل دير اينجه لىيىن
اليمده دير اليرين
اوركده ايستى لىيىن

@

آى قيز قوش تك كؤچرسن
ياخشى - پيسى سئچرسن
گون باتيب، گؤى دولاندا
اوره يىمدن كئچرسن

@

بالام گوللو باغ اولسون
گول چيچه يى آغ اولسون
دردى گلسين جانىما
اونون جاني ساغ اولسون

@

من ياتمارام ياتماسان
باش ياستيغا آتماسان
شيرين سو، زهراولسون
سن او سودان دادماسان

گۈزللەرنى بىرى سىن
ھامىسىندان ايرى سىن
قوچلار قوربان كىسىم
اياق توتوب يىرىسىن

😊

عرضه وئىردىم اۈزۈنە
اۈرك ياندى سۈزۈنە
لاى لاي كىسىم سالىمادى
اونون ايتىق گۈزۈنە

😊

لاى لاي سىسىم اوجالسىن
حاق نىسىم اوجالسىن
كۈرپەلىرىم بوى ايتىب
دوشمنلردن باج االىسىن

😊

چوخ سئورم سىنى من
بولبول گولو، سىنى من
شاختا گىجە، اوزانسا
قىزىشدىررام سىنى من

لای لای منه قالاسان
قیزیل مدال آلاسان
کونلومون دنیزینده
گؤزهل قیزیل آلاسان

@

لای لای دئدیم یاتاسان
قم قوصه نی آتاسان
ایفتیخارین اوجالسین
آیا- گوننه چاتاسان

@

لای لای دوشدوم دیله من
قوشولموشام یرله من
بیر گون آیری گزمزدیم
نئجه دؤزوم ایله من؟

@

لای لای گؤزل مرد اولان
دور گل بیر منله دولان
من کی سنسیز گزمرم
آی روحوما بنده اولان

سینه م اوسته قوشومسان
گۈزل قاراقوشومسان
سنسيز عقليم - هوشوم يوخ
منيم عقليم - هوشومسان

@

لاي لاي اومود ارکيم سن
دوشونجم سن درکيم سن
اوندا حالال ائدرم
قيلماسان سن، ترکيم سن

@

عۇمور باريم تزه سن
داغي داشى گزه سن
بولبولر قاناد چالار
سن گولشنى بزه سن

@

اوزاقلاردان باخيرسان
اوريمدن آخيرسان
گيزله نيبسن باشيمدا
گۈزليمدن باخيرسان

اوره ییمسن گۆزومسن
دوداغیمدا سۆزومسن
باغریمدا گیزله نیبسن
اٹله بیل کی اۆزومسن

@

چیراغیمسان نورومسان
مله ییمسن حورومسان
اوره ییمده گزیرسن
الریمده دورومسان

@

آییمسان اولدوزومسان
آغزیمدا داد دوزومسان
گۆزللردن گۆزلسن
منیم دادلی قیزیمسان

@

گونددیییم داغ اولسون
بالام گزسین باغ اولسون
دونیا مالی نه لازیم
منیم بالام ساغ اولسون

لايلاى سسسىم اوجالسىن
حاق نفسىم اوجالسىن
كۇرپە لىر اىيىد اولوب
دوشمنلردن باج آلسىن

@

لاى لايىمدان اوياندىن
گۇز اۋنوندە داياندىن
اورە يىمدە گىزلە نىب
دامارىمدا دولاندىن

@

لاى لاي منىم جانىمسان
اوركەدە آل قانىمسان
سنىسىز ياشاماق اولماز
روحومسان - ايمانىمسان

@

سنى تبرىزىن قىزىسان
گۇيلىرىن اولدوزوسان
منىم سۇزوم - صوحبىتىم
ائويىمىن داد - دوزوسان

لای لای گۆزل مرد اولان
دور گل بیر منله دولان
من کی سنسيز گزمه رم
آی روحوما بند اولان

☺

گونلر گل سین اؤتوشسون
سن گلن گون يئيش سین
یولو باسدیم باغریما
ایزین گۆزومه دوشسون.

☺

لای لای دوشدوم دیله من
قوشولموشام یئله من
بیر گون آیری گزمزدیم
نئجه دؤزوم ایله من؟

☺

قار یاغ سین داغا دوشسون
داغ باشیندان گؤروشسون
سنی آیری سالانین
جانینا یارا دوشسون

(۹)

لاى لاي گۇزومون نورو
بولاق، گۇزونىدىن دورو
اوز گۇزل، بوخاق گۇزل
كىم گۇروب سىن تىك حورو؟

@

لاى لاي آسلان توخومو
آپارىيىسىن يوخومو
مىن سىنە باغىشلايدىم
ھەر نە كى وار يوخومو

@

لاى لاي بىناب ھولوسو
ھولولارىن سولوسو
سىنە مەھبەتىم وار
بوتىون اورە ك دولوسو

@

لاى لاي سۇزومون دوزو
لاى لاي گۇيلر اولدوزو
مىن گىجەلر ياتمىرام
سىن ياتىرسىن گۇندوزو

لای لای الیمین قوشو
لای لای عشقیم دوروشو
آتان یورغون گلنده
سنله ائدر گؤروشو

@

لای لای چمنین قوشو
لای لای عؤمروم دوروشو
دوننیانی گزر گؤزوم
سندن ائدر گؤروشو

@



(۵)

مكتين ائشىينده
دورموشدوم ائشىين ده
روحوم قانادلانيردى
بالامين كئشىينده

@

لاى لاي آى بويو بوسته
باشين قوى ديزيم اوسته
فرمانينا جان قوربان
نه دئسن گؤزوم اوسته

@

من قوربانام اؤزونه
شيرين شيرين سؤزونه
گؤزومه يوخو گلمز
ساتاشاندا گؤزونه

@

لاى لاي قارا گيله مه
سؤزو بنزر ننه مه
عشقيني بير گول كيمي
تاخدين منيم سينه مه

چوخ سۆزلر وار سسینده
سسینده نفسینده
ائل سنه قاناد اولسون
سن یاشا کؤلگه سینده

@

لای لای بالدان شیرینه
گۆزللرین بیرینه
آی دا نورون ساچیبدی
اؤز بالامین یئرینه

@

لای لای قارا تئلیمه
الینی وئر الیمه
سنین آدیندان سونرا
بیر آد گلمز دلیمه

@

لای لای چاللام های ایله
اولدوز باتار، آی ایله
سن سینمده یاتاندا
یورولمارام آی ایله

لاى لاي اللرى اينجه
بار ساخلاديم، درينجه
صبريم - قراريم گلمز
سن مکتبدن گلينجه

@

لاى لاي قارا گيله مه
سؤزو بنزر ننه مه
عشقيني بير گول كيمي
تاخدين منيم سينه مه

@

لاى لاي بالدان شيرينه
گؤزللرين بيرينه
آي نورونو ساچيبدى
اؤز بالامين يثرينه

@

لاى لاي قارا تئليمه
الينى وئر اليمه
سنين آديندان سونرا
بير آد گلمز ديليمه

لای لای طرلان یئریشه
سۆزو بنزر یئمیسه
اثللر قوناق گلییدی
بالام ایله گۆروشه

❀

لای لای گۆزل گلینه
گول دوزه رم تئلینه
بالام یاراشیق اولدو
بوتون آذر ائلینه

❀

لای لای سینه گولومه
لای لای شیرین دیلیمه
سنین تک رشید بالا
ایفتیخاردی ائلیمه

❀

لای لای اورک بندیمه
بالدان شیرین قندیمه
جانیمی قوربان ائدیم
سنین تک دیل بنیدمه

بئشييين ديزم اوسته
آياق قوي گؤزوم اوسته
سنه جان قوربان دئديم
دورموشام سؤزوم اوسته

@

لاى لاي آلا گؤزومه
يئكل بير باخ سؤزومه
سن گولوب شاد اولاندا
من گلرم اؤزومه

@

لاى لاي چالديم بولبوله
قونوبدور قيزيل گوله
بالا دئديم آغلاديم
داشلاردا گلدى ديله

@

لاى لاي آلا گؤزومه
يئكل بير باخ سؤزومه
سن گولوب شاد اولاندا
من گلرم اؤزومه

اوغول نه وار او ایزده
قوشلار اوچان دیزده
روحومو سن آپاردین
جیسمیم قالدی تبریزده

❀

گئتدیم یوللار قصدینه
یاغیش یاغدی شستیمه
دئیین بالاما گل سین
چتیر توتسون اوستومه

❀

شئح گلدی چمن اوسته
قوندو یاسمن اوسته
دئیین بالاما گل سین
یئری وار سینهم اوسته

❀

یاغیش یاغیب گول اوسته
گول اوسته - سونبول اوسته
جاوان جانیم کول اولدو
سنین تک بولبول اوسته

فلک ساچىمى ائشمه
باغرىم يارادى دئشمه
بالام قوريتته دوشدو
گؤزلىرىم اولدو چئشمه

@

دئدىم يولدان گلە نه
يولا گوللر اله نه
بالام اوردا دولانسا
گؤزل قىزلار به يه نه

@

داراق چكـم تـئلىنه
گول - وئرەرم الينه
من وئردىيىم گوللرى
اودا وئرە گلىنه

@

شاباش وئرەم اؤزونە
نظر دىمىز گؤزونە
منه آنا دئىنده
قوربان اوللام سؤزونە

یارالاریم بیتیشه
بالام گلیب یئتیشه
من آرزوما چاتارام
آرزوسونا یئتیشه

☺

نفسیم شوشه لرده
قالمیشام گوشه لرده
منیم لای لای سسیم وار
سمیرسیز مئشه لرده

☺

گؤز یاشلاریم بنیزده
گؤرونور آغلار اوزده
قهرلی لای لایمیدان
آشدی - داشدی دنیزده

☺

بالا آدی دیلیمده
دولاندی ایلییمده
الترینن ایستیسی
هله ده وار الیمده

بالام اوینار گول ایلہ
اوخویار بولبول ایلہ
اؤزگہ لره قوشولماز
منی ساخلار دیل ایلہ

😊

اوغول گل آمان گونده
دردیمی قانان گونده
سنسن منیم دایاغیم
پیس گونده یامان گونده

😊

آی دنیزده چیمنده
اولدوزلار گوروننده
بالامالای لای چالیدیم
پاک عشقیمی بیلنده

😊


قاردؤشه نیب درییه
گون ووراجاق ارییه
آی بالا گؤز- قولاق اول
اووچو قوران ته له یه

لای لای کپنکلره
تئللری ایپکلره
قوربت ده یالقیز قالان
او، یوخا اورکلره

@

پاییز یئلی اسنده
اسیب باغریم کسنده
یار یولداشین یئتیشدی
بس هارداسان گل سنده

@



(ی)

سئوگيليم گولوم لاي لاي
گؤزل بولبولوم لاي لاي
اوره ييمين اووچوسو
ساچي سونبولوم لاي لاي

@

لاي لاي ارکين قالاسي
اوجا داغلار لالاسي
تبريزين رشيد اوغلو
بیرجه سي - بيرداناسي

@

لاي لاي ائلر سرداري
لاي لاي يوخسوللار ياري
درد - بلادان ساخلاسين
سني يارادان تاري

@

درمان وئر حکيم لايلاي
نازيني چکيم لاي لاي
سن دولانان يوللارا
گول - چيچک اکيم لاي لاي

لاى لاي آدين قوربانى
گول، فريادين قوربانى
هر زادين خوش دور منه
من هر زادين قوربانى

@

كىم اولار سنین كىمى
مهربان گلین كىمى
يولوندا قاناد چالدىم
يورغون گؤيرچين كىمى

@

لاى لاي تبریز گؤزلى
پاك عشقيمين ازلى
ديل آچدين جانيم آلدين
شيرين سؤزو مزه لى

@

لاى لاي يولداشيم لاي لاي
باجيم - قارداشيم لاي لاي
يازديم اورك دردينى
سنه ياراشيم لاي لاي

قوشوم ارکک - مايادی
ياتان يئرى قايادی
اونون حزين نغمه سی
ياتانلاری اويادی

@

لاي لاي گؤزوم ايشیغی
اثللرین ياراشیغی
گل باغیرمی ساز ائیله
آی روحومون آشیغی

@

قیزاردیم بنیز کیمی
گئدرلی بیر ایز کیمی
آرخانجا یولا دوشدوم
سورونن دنیز کیمی

@

لاي لاي روحوم چمنی
نه آلدادایبسان منی
گؤز لیریمده یاتیبسان
سنله گؤروم عالمی

سو گلىدى بىندە قالدى
بىندى كىسىندە قالدى
سەننىن گۇزۇن يوللاردا
مىمكى سىندە قالدى

@

بالا يولون اوزاقىدى
گولو داراق - داراقىدى
سەندىن آيرى دوشدويم
هەئچ بىلىرسەن ناواخىدى؟

@

لاى لاي به به يىم لاي لاي
جانىم اورە يىم لاي لاي
يامان گونومون دوستو
آرخام كۇمە يىم لاي لاي

@

ساچىنى ھۇروم لاي لاي
دارىم ھۇروم لاي لاي
قەلبىمدە بىر آرزو وار
تويونو گۇروم لاي لاي

سینه مین گولو لای لای
گولو- بولبولو لای لای
سنه احسن چاغیردی
یوردومون ائلی لای لای

@

لای لای ائینالی داغی
لای لای گولوستان باغی
سن تبریزین بالاسی
تبریزده ائل یاتاغی

@

لای لای بختیمین گولو
لای لای عشقیم بولبولو
ئل دیلی شیرین اولار
دانش ائل سئون دیلی

@

لای لای بالاجا کیشی
باشارماییر دوروشو
باخماسی جئیران کیمی
قوچاقلار تک یثریشی

لای لای عشقیم هوسی
سنسن حیاتین سسی
چیچکلر بیردن آچار
دیسسه بالام نفسی

😊

قاش گؤزو قارا لای لای
گئدیرسن هارا لای لای
سن حکیم سن، من خسته
گل ائيله چارا، لای لای

😊

لای لای یولداشیم لای لای
باجیم قارداشیم لای لای
یازدیم اورک دردینی
سنه یاراشیم لای لای

😊

لای لای گؤزوم ایشیغی
ائلللرین یاراشیغی
گل باغیریمی ساز ایله
آی روحومون آشیغی

لاى لاي داغلار لالاسى
آذربايجان بالاسى
گۆزللرين ايجينده
بيرجهسى - بير داناسى

@

لاى لاي نابات قندىلى
مندن كوسور قندىلى
اىل دىلى شيرين اولار
دانىش اىل سئون دىلى

@

لاى لاي تبريز اوشاغى
گونشين گۆى قورشاغى
بيلكى اسلان گوجلۇ
اۆره يى يوموشاغى

@

كئچميش گونون آيلارى
او اينجه خياللارى
قولاغىمدا سسلنير
آنسامين لاي لاي لارى

گۈزلى قارا لای لای
تئللىرىن دارا لای لای
بۇيۇ، قوچاق ايىد اول
قىل منە چارا لای لای

@

لاى لای كسىر قفسى
گلىر بالامىن سسى
چىچكلنىدى اورەيىم
دىدى بالام نفسى

@

لاى لای اوخودوم لای لای
سوتول نوخودوم لای لای
گئجه لىرىن بويوندا
بىر شال توخودم لای لای

@

لاى لای تبرىز گۈزەلى
پاك عشقىن ازەلى
دىل آچدىن جانىم آلدىن
شىرىن سۇزو مزەلى

لاى لاي گولون قونچاسى
شان بالينين بانكاسى
اويونجاغين گتيردى
چرشنبنه نين خونچاسى

@

لاى لاي سحر آچيلدى
آيدين گونش ساچيلدى
ناساز بالام ياتماييب
قَم لى بوغاز بيچيلدى

@

لاى لاي دئديم يات پرى
قَم قوصه نى آت پرى
ائللر ائى وای دئينده
سن دادينا چات پرى

@

لاى لاي عؤمروم آيناسى
قالمادى گؤيلوم پاسى
ائللره قوزو قوربان
اؤز بالامما آناسى

لای لای بالاجا کیشی
لای لای عۆمروم یئمیشی
اوره ییمى بند ائدی
اینجه اینجه یئریشی

@

گۆیده اولدوزوم لای لای
اوجا بوی قیزیم لای لای
یادلار سنى آپارسا
من نئجه دۆزوم لای لای

@

لای لای جیران بالاسی
اوجا داغلار لالاسی
گۆزه لیرین ایچینده
بیرجه سی، بیر داناسی

@

لای لای عطیر شوشه سی
عۆمرومون باغ مئشه سی
نه یاتیری نه دورور
شیلتاقلیق دی پئشه سی

لاى لاي اۋزو يوشاق
بىر گۈزلىن يوم ! اوشاق
جىران كىمى باخىرسان
آز قاليرام دوروشاق

@

لاى لاي عۇمرومون بارى
لاى لاي عشقىم نوبارى
گۈزەل شكىل يارادىب
سنى ياردان تارى

@

يول دوردو، اتلى گىتدى
يوكونو چاتدى، گىتدى
لاى لاي گۈز يوممادى
نور يولون تاپدى گىتدى

@

لاى لاي عۇمرومون بارى
لاى لاي عشقىم نوبارى
سنى تحفە وئىرىدى
منە سئودىگىم تارى

لای لای گۈزۈن قوربانى
گۈزەل اۋزۈن قوربانى
اينجه اينجه چاغيران
او حق سۈزۈن قوربانى

@

لای لای گۈلۈش قاباخلى
شیرین دىللى دوداخلى
هانسى خوشبخت اولاجاق
بالامینان آداخلى

@

لای لای گۈلۈمە لای لای
شیرین دىلیمە لای لای
عشقیمین باغچاسیندا
سونا بولبولە لای لای

@

يول دوردو، آتدى گئتدى
يۈكۈنو چاتدى گئتدى
لای لایا گۈز يۈممادى
نور يولون تاپدى گئتدى

ظولمات دا بىر شام اولدو
چاغيرماق پئشام اولدو
لاى لاي شاملار چوخاتدى
ايشيقلى مئشم اولدو

@

يئريشى نازا لاي لاي
باغريمدا سازا لاي لاي
روحومون گولشئين ده
ياتان گول نازا لاي لاي

@

اوغول دور گل بئله سى
آي گوزومون گيله سى
سنة باياتى يازديم
قيشين اوزون گئجه سى

@





لای لای فره کهلیییم
دالینجا ایمکلیییم
تانریدان بیر پای آلدیم
باشا چاتدی تک لیییم



تبریز - اول خیابان طالقانی ، نشر اختر
تلفن : ۵۵۵۵۳۹۳ - (۰۴۱۱) و ۹۱۴۱۱۶۶۸۹۷

نشر برتر سال ۸۹

ISBN 978-964-517-298-3



9 789645 117298 3